

– SENAT –

Broj: 01-15-145/24

Sarajevo, 25. 09. 2024. godine

Na osnovu člana 61. Zakona o visokom obrazovanju („Službene novine Kantona Sarajevo“, broj: 36/22) i člana 64. i člana 297. stav (1) Statuta Univerziteta u Sarajevu, a u vezi sa Rješenjem Kantonalne uprave za inspeksijske poslove, Inspektorata prosvjetne inspekcije Kantona Sarajevo, broj: UP-1-14-12-34-13800/24-12/08 od 17. 09. 2024. godine, Senat Univerziteta u Sarajevu je na 72. redovnoj sjednici održanoj 25. 09. 2024. godine, *daje*

AUTENTIČNO TUMAČENJE

*odredbe člana 116. stav (5) Statuta Univerziteta u Sarajevu,
broj: 01-14-35-1/23 od 26. 07. 2023. godine*

Odredbom član 297. stav (1) Statuta Univerziteta u Sarajevu propisano je da obavezno i autentično tumačenje odredaba Statuta daje Senat Univerziteta u Sarajevu.

Odredbom člana 116. Statuta Univerziteta u Sarajevu uređuju se odgovornosti dekana/direktora članice Univerziteta u Sarajevu dok je stavom (5) ovog člana utvrđeno: „*Dekan/direktor je obavezan poništiti, staviti van snage, odnosno obustaviti od izvršenja odluku rukovodioca podorganizacione jedinice ili nekog drugog tijela članice ako je protivna zakonu, podzakonskim i provedbenim aktima i ovom statutu.*“.

Pod „drugim tijelom“ na članicama Univerziteta u Sarajevu smatraju se stalne, privremene i povremene komisije i druga radna tijela koje je imenovao dekan/direktor i koja u skladu sa aktom o imenovanju odgovaraju dekanu/direktoru.

Drugim tijelom ne smatra se vijeće članice Univerziteta u Sarajevu, koje bira i razrješava dekana/direktora, posebno imajući u vidu činjenicu da dekan/direktor u dijelu akademskih/naučnoistraživačkih pitanja neposredno odgovara vijeću kao tijelu koje ga je izabralo.

S tim u vezi, naznačava se da je prilikom vršenja nadzora i kontrole na Univerzitetu i njegovim članicama neophodno imati u vidu djelokrug, kao i hijerarhiju Zakonom utvrđenih tijela članice/Univerziteta.

Autentično tumačenje predstavlja integralni dio teksta ovog Statuta, te će se primjenjivati osmi dan od dana objavljivanja u na internet stranici Univerziteta u Sarajevu.

REKTOR

Prof. dr. Rifat Škrjelj



Dostaviti:

- Članicama Univerziteta u Sarajevu
- Internet stranica
- U dokumentaciju Senata
- Arhivi